

Gāndhārī Dharmapada

(use UTF-8)

<p>1 na jaḍa'i na goteṇa na yaca bhodi bramaṇo yo du brahetva pavaṇa aṇu-thulaṇi sarvaśo brahidare va pavaṇa brammaṇo di pravucadi. (1) O.2</p> <p>2 ki di jaḍa'i drumedha ki di ayiṇa-śaḍi'a adara gahaṇa kitva bahire parimajasi. (2)</p> <p>3 yasa dharmo vi'aṇe'a same-sabudha-deśida sakhaca ṇa namase'a agi-hotra ba brammaṇo. (3)</p> <p>4 na yaca brammaṇo bhodi na trevija na śoti'a na agi-parikirya'i uduke orubaṇeṇa va. (4)</p> <p>5 purve-nivasa yo uvedi svaga avaya ya paśadi atha jadi-kṣaya prato abhiñ-vosido muṇi, (5)</p> <p>6 edahi trihi vijahi treviju bhodi brammaṇu vijacaraṇa-sabarṇo brammaṇo di pravucadi.(6)</p> <p>7 trihi vijahi sabarṇo śadu kṣiṇa-lokasya brammaṇo di pravucadi. (7)</p> <p>8 taveṇa bramma-yiryeṇa</p>	
---	--

<p>sañameṇa dameṇa ca edeṇa brahmaṇo bhodi eda brahmaña utamu. (8)</p> <p>9 china sodu parakamu kama praṇuyu bramaṇa na apraha'i muṇi kama ekatvu adhikachadi. (9)</p> <p>10 china sodu parakamu kama praṇuyu bramaṇa sagharāṇa kṣaya ñatva akadaño si brahmaṇa. (10)</p> <p>11 na brahmaṇasa hadara nasa muje'a brahmaṇi dhi brahmaṇasa hadara tada vi dhi yo ṇa mujadi. (11)</p> <p>12 madara pidara jatva rayaṇa dvayu śotri'a raṭha saṇayara^I jatva aṇiho yadi brahmaṇo. (12)</p> <p>13 rayaṇa pradham jatva pariṣa ja aṇadara doṣi sa-seṇaka jatva aṇiho yadi brahmaṇo. (13)</p> <p>14 yada dva'eṣu dharmeṣu parako bhodi brahmaṇo athasa sarvi saṇoka asta=gachadi jaṇada. (14)</p> <p>15 na brahmaṇasediṇa kiji bhodi yo na nisedhe maṇasa pri'aṇi yado yado y=asa maṇo nivartadi tado tado samudim aha saca. (15)</p> <p>16 brahetva pavaṇi brahmaṇo sama'irya śramaṇo di vucadi</p>	
---	--

<p>parvahi'a atvaṇo mala tasa parva'ido di vucadi. (16)</p>	
<p>17 na aho brahmaṇa bromi yoneka-matra-sabhamu bho-va'i namu so bhodi sayi bhodi sakijaṇo akijaṇa aṇadaṇa tam aho bro mmaṇa. (17)</p>	
<p>18 niha'i daṇa bhudeṣu traseṣu thavareṣu ca yo na hadi na ghadhedi tam aho bromi brahmaṇa. (18)</p>	
<p>19 yo du drigha ci rasa ji aṇo-thulu śuhaśuhu loki adiṇa na adi'adi tam aho brommi brahmaṇa. (19)</p>	
<p>20 yo du kama prahatvaṇa aṇakare parivaya kama-bhoka-parikṣiṇa tam aho bromi brahmaṇa. (20)</p>	
<p>21 vari puṣkara-patre va arage-r-iva sarṣava yo na lipadi kamehi tam ahu bromi brahmaṇa. (21)</p>	
<p>22 akakaśa viṇamaṇi gira saca udira'I ya'i naviṣa'i kaji tam ahu bromi brahmaṇa. (22)</p>	
<p>23 yasya ka'eṇa vaya'i maṇasa nasti drukida savrudu trihi tḥaṇehi tam aho bromi brahmaṇa. (23)</p>	
<p>24 vaśada varada</p>	

mana-bhaṇi aṇudhada
artha dharma ja deśedi
tam aho bromi brahmaṇa. (24)

25 vaśada varada
mana-bhaṇi aṇudhada
utamatha aṇudhada
utamatha aṇuprato
tam aho bromi brahmaṇa. (25)

26 yasya rako ca doṣo ca
avija ca vira'ida
kṣiṇasavu arahada
tam ahu bromi brahmaṇa. (26)

27 yasya rako ca doṣo ca
maṇu makṣu pravadido
paṇa-bhara visañutu
tam ahu bromi brahmaṇo. (27)

28 akrośa vadha-baṇa ca
aduṭṭhu yo tidikṣadi
kṣadi-bala balaṇeka
tam ahu bromi brahmaṇa. (28)

29 avirudhu virudheṣu
ata-daṇeṣu nivudu
sadaṇeṣu aṇadaṇa
tam aho bromi brahmaṇa. (29)

30 yo idheva pre'aṇadi
dukhasa kṣaya atvaṇo
vipramutu visañutu
tam ah bromi brahmaṇa. (30)

31 navaja'i navijapu
pavaka na vicida'i
sadaśam atha-daśavi
tam aho bromi brahmaṇa. (31)

32 asatsiṭha ghahaṭṭheḥī

<p>aṇakraehi y=uha'i aṇova-sari apicha tam aho brommi brahmaṇa. (32)</p> <p>33 aradi radi ca yo hitva sabrayaṇo pradisavado sarva-bhava-parikṣiṇa tam aho brommi brahmaṇa. (33)</p> <p>34 yasa pure ya pacha ya i akijaṇa aṇadaṇa tam ahu brommi brahmaṇa. (34)</p> <p>35 yasa pari avare ca para..... vikada-dvara visaṇota tam aho brommi brahmaṇa. (35)</p> <p>36 chitvaṇa paja saṃdaṇa nani-bhava-parikṣiṇa tam ahu bromi brahmaṇa. (36)</p> <p>37 ruva=chada rasa gana phaṣa dhama ya kevala praha'i na paritasadi tam ahu brommi brahmaṇa. (37)</p> <p>38 patsukula-dhara jadu kiśa dhamāṇi-sadhada jayada rukhu-mulasya tam ahu brommi brahmaṇa. (38)</p> <p>39 eṇe-jagga kiśa vira apahara alolubhlu apaṭṭha apa-kica ji tam ahu brommi brahmaṇa. (39)</p> <p>40 akrodhu aṇuvayasam viprasana aṇavila</p>	
--	--

<p>cadra ba vimali śudhu tam ahu bromi brammaṇa. (40)</p> <p>41ra dhira (?)hviyidaviṇo aṇiha ṇadaka budhu tam ahu bromi bramaṇa. (41)</p> <p>42 chetva nadhi valatra ya sadaṇa samadikrammi ukṣita-phali'a vira tam aho brommi brammaṇa. (42)</p> <p>43 yasa gadi na jaṇadi deva ganava-maṇ..... tadhakadasa budhasa tam ahu brommi bramaṇa. (43)</p> <p>44 yo cudi uvedi satvaṇa vavati ca vi sa rvaśo budhu adima-śarira tam aho bromi bramaṇa. (44)</p> <p>45 akrodhu aṇuvayasa vipramutu puṇarbhava budhu vada-mala dhira tam aho bromi bramaṇa. (45)</p> <p>46 yo du puṇe ca pave ca uhu ṣaḡa uvaca'i aṣaḡa viraya budhu tam ahu bromi bramaṇa. (46)</p> <p>47 ja'i para-kada budhu jidavi akadaggadi pruju deva-maṇuśaṇa tam ahu brommi bramaṇa. (47)</p> <p>48 ja'i para-kada budhu kida-kica aṇasṛvu budhu daśabaloveda</p>	
--	--

<p>tam ahu bromi bramaṇa. (48)</p> <p>49 gammira-praṇa medhavi margamargasa ko'i'a utamu pravara vira tam ahu brommi bramaṇa. (49)</p> <p>50 diva tavadi adicu radi avha'i cādrimu sanadhu kṣatri'o tavadi ja'i tavadi bramaṇo adha sarva aho-ratra budhu tavadi teyasa. (50)</p> <p>51 ka'eṇa savrudo bhikhu atha vaya'I savudo maṇeṇa savrudo bhikhu sarva druggade'o jahi. (1)</p> <p>52 ka'eṇa saṇamu sadhu sadhu vaya'I saṇamu maṇeṇa saṇamu sadhu sadhu savatra saṇamu sarvatra saṇado bhikhu sarva dugadi'o jahi. (2)</p> <p>53 hasta-saṇadu pada-saṇadu vaya-saṇadu savudidri'o ajatra- rado samahido eko saduṣido tam ahu bhikhu. (3)</p> <p>54 yo muheṇa saṇado bhikhu mana-bhaṇi aṇudhado artha dhar- ma ci deśedi masuru tasa bhaṣida. (4)</p> <p>55 śuṇakare praviṭhasa śada-citasa bhikhuṇo amaṇuṣa-radi bhodi same dharma vivaśadu. (5)</p>	
--	--

<p>56 yado yado sammaṣadi kanaṇa udaka-vaya lahadi pridi-pramoju amudu ta vi' aṇadu. (6)</p> <p>(56a) śuṇakare praviṭhasa śada-citasa bhikhuṇo amaṇuṣa-radi bhodi same dharma vivaśadu. (5)</p> <p>57 pajagi'eṇa turi'eṇa na radi bhodi tadiśa yatha 'ekaga-citasa same dharma vivaśadu. (7)</p> <p>58 nasti jaṇa apraṇasa praṇa nasti aṇayado yasa jana ca praṇa ya so hu nirvaṇasa sadi'i. (8)</p> <p>59 tatra'i adi bhavadi tadha praṇasa bhikhuṇo idri'a-goti saduṭhi pradimukhe iro. (9)</p> <p>60 mitra bhaṇe'a paḍiruva śudhayiva atadridi paḍisadhara-guti=sa ayara-kuśa..... tadu ayara-kuśalo suhu bhikhu vihaṣisi. (10)</p> <p>61 salavhu nadimaṇe'a naṇeṣa sviha'o si'a aṇeṣa sviha'o bhikhu samadhi nadhikachadi. (11)</p> <p>62 apa-labho du yo bhikhu salavhu nadimaṇadi ta gu deva praśajadi śudhayivu atadrida. (12)</p>	
---	--

<p>63 kamaramu kama-radu kamu añuvicida'o kamu añusvaro bhikhu sadharma parihayadi. (13)</p> <p>64 dhamaramu dhama-radu dhamu añusvaro bhikhu sadharma na parihayadi. (14)</p> <p>65 na śīla-vada-matreṇa baho-ṣukeṇa va maṇo adha samadhi-labheṇa vevita-śayaṇeṇa va (15)</p> <p>66 phuṣamu nekhamā-sukhu aprudha-jāṇa-sevīda bhikhu viśpaśa mavadi aprate asava-ksaye. (16)</p> <p>67 na bhikhu tavada bhodī yavada bhikṣadī para veśma dharma samadī'i bhikhu bhodī na tavada. (17)</p> <p>68 yo du baheti pavaṇa vadava brahma-yiyava sagha'i caradī loku so du bhikhu du vacadī. (18)</p> <p>69 metra-vihari yo bhikhu prasānu budha-śāśaṇe duṇadī pavaka dharma druma-patra ba maduru. (19)</p> <p>70 metra-vihara yo bhikhu prasānu budha-śāśaṇe paḍivīju pada śada sagharavośamu suha. (20)</p> <p>71 udaga-citū yo bhikhu</p>	
---	--

<p>adhivuyu pri'apri'a adhikachi pada śada akavuruṣa-sevida. (21)</p> <p>72 pramoja-baholu yo bhikhu abhivuyu pri'apri'a adhikachi pada śada aseyaṇe moyaka. (22)</p> <p>73 apramada-radu yo bhikhu pramadi bhaya-daśima abhavu parihaṇa'i nivaṇaseva sadi'i. (23)</p> <p>74 apramada-radu yo bhikhu pramadi bhaya-da[śima] sanoya ṇa aṇu-thula ḍahu agi va gachadi. (24)</p> <p>75ja'i bhikhu ma yi pramati ma de kama-guṇa bhametsu cita ma loha-guḍa gili pramata kani dukham ida di ḍajamaṇo. (25)</p> <p>76 sija bhikhu ima nama sita di lahu bheṣidi chetva raka ji doṣa ji tado nivaṇa eṣidi. (26)</p> <p>77 kodhaṇa akidaṇa i drohiṇi parivaja'i brama-yirya cara bhikhu same-sabudha-śaśaṇi. (27)</p> <p>78 paja china paje jahi paja utvari-bhava'i paja-ṣagadhi'o bhikhu oha-tiṇo di vucadi. (28)</p> <p>79 savaśu nama-ruvasa yasa nasti mama'ida</p>	
---	--

<p>asata i na śoyadi so hu bhikhu du vacadi. (29)</p> <p>80 alagido ya vi care'a dhamu dadu śadu sañadu bramma-yari saveṣu bhudeṣu niha'i daṇa so bramaṇo so ṣamaṇo so bhikhu. (30)</p> <p>81 yo najakamo bhavaṣu sara viyiṇi pupha viva puraṇa so bhikhu jahadi o urako jiṇa viva udumareṣu. (31)</p> <p>82 yo upadi[da] viṇedi kodhu visaḍa.....orupara urako jiṇa v.....ya puraṇa. (32)</p> <p>83 yo maṇa udavahi aśeṣa biasvikaśa so bhikhu jahadi o.....para urako jiṇa viva tvaya puraṇa. (33)</p> <p>84 yo tasa udacha'i aśeṣa sarśoṣa'itha so bhikhu jahaora-para urako jiṇa viva tvaya puraṇa. (34)</p> <p>85 yo sarva-keleśa dala'itha naḍa..... [ma]hoho so.....khu jahadi ora-para urako jiṇa viva tvaya puraṇa. (35)</p> <p>86 yo ecaṣari na precaṣari sarva 'iha(?)..... so bhikhu jaha.....ora-para urako jiṇa viva tvaya puraṇa. (36)</p> <p>87 yo necaṣari na precaṣari sarvu vidadham ida di ñatva ku</p>	
---	--

so bhikhu jahadi ora-para
urako jiṇa viva tvaya puraṇa. (37)

88 yasa aṇoṣe'a na sadi keyi
oru akamaṇa'I prace'a i
so bhikhu jahadi ora-para
urako jiṇa viva tvaya puraṇa. (38)

89 yasa vaṇaṣe'a na sadi keyi
viṇavana'u bhava'i hedu-kapa
so bhikhu jahadi ora-para
urako jiṇa viva tvaya puraṇa. (39)

90 tina-kadaka viśala
so bhikhu jahadi ora-para
urako jiṇa viva tvaya puraṇa. (40)
(in margin) 20 20.

91
.
. h]oru
phalam icho va vaṇasma vaṇaru.

92
.
. paśadha
muto baṇaṇam eva jayadi. (2)

93
.
. yi
nivaṇabhodha bhikṣvi. (3)

94
.
.
. . . kṣira-vayo va madara. (4)

95
.

<p>. . . . suheṣiṇo yokam a'edi puṇapuṇu cira'i.</p> <p>96 ku puruṣasa kama ciṭṭhadu citraṇi tadheva loke athatha dhira vee'adi chana.</p> <p>97 [bha]va-śalaṇa sabrayaṇo pradisvado. [the remainder of the chapter is lost.]</p> <p>98 uju'o namu so magu abhaya namu so diśa radho akuyaṇo namu dharma-trakehi sahado. (18)</p> <p>99 hiri tasa avaramu svadi=sa parivarāṇa dhamaha saradhi bromi same-diṭṭhi-purejavu. (19)</p> <p>100 yasa edadiśa yaṇa gihi iparva'idasa va sa vi ediṇa yaṇeṇa nivaṇaseva sadi'a. (20)</p> <p>101 supra'udhu pra'ujadi imi godama-ṣavaka yeṣa diva ya radi ca nica budha-kada svadi. (21)</p> <p>102 supra'udhu pra'ujadi imi godama-ṣavaka yeṣa diva ya rai ca nica dhama-kada svadi. (22)</p> <p>103 supra'udhu pra'ujadi imi godama-ṣavaka</p>	
--	--

yeṣa diva ya radi ca
nica saḡa-kada svadi. (23)

104 supra'udhu pra'ujadi
imi godama-ṣavaka
yeṣa diva ya rai ca
nica kaya-kada svadi. (24)

105 supra'udhu pra'ujadi
imi godama-ṣavaka
yeṣa diva ya radi ca
bhamāṇa'i rado maṇo. (26)

106 savi saghara aṇica di
yada praṇaya paśadi
tada nivinadi dukha
e[ṣo] magu viśodhi'a. (27)

107 savi saghara dukha di
yada praṇa'i gradhadi
tada nivinadi dukha
eṣo magu viśodhi'a. (28)

108 sarvi dhama aṇatva di
yada paśadi cakhkṣuma
tada nivinadi dukha
eṣo mago viśodhi'a. (29)

109 magāṇa ahaḡi'o śeṭho
sacaṇa ca'uri pada
viraku śeṭho dhamaṇa
praṇa-bhudaṇa cakhuma. (30)

110 udiṭha na pramaje'a
dhamu sucarida cari
dhama-cari suhu śeadi
asvi loki parasa yi. (1)

111 uṭhaṇeṇa apramadeṇa
saṇameṇa dameṇa ca
divu karodi medhavi

<p>ya jara nabhimardadi. (2)</p> <p>112 uṭṭhaṇamado svadimado suyi-kamasa niśama-carino sañadasa hi dhama-jiviṇo apramatasa yaś=idha vaḍhadi. (3)</p> <p>113 uṭṭhaṇe-‘alasa aṇuṭṭhehadu yo’i bali alasi’e uvidu satsana-sagapa-maṇo svadima praṇa’I maga alasu na vinadi. (4)</p> <p>114 na tavada dhama-dharo yavada baho bhaṣadi yo du apa bi ṣutvaṇa dhamu ka’eṇa phaṣa’I so ho dhama-dharo bhodi yo dhamu na pramajadi. (5)</p> <p>115 apramadu amuda-pada apramadu mucuṇo pada apramata na miyadi ye pramata yadha mudu. (6)</p> <p>116 eda viśeṣadha ñatva apramadasa paṇido apramadi pramodi’a ari’aṇa goyari rado. (7)</p> <p>117 pramada aṇuyujadi bala drumedhiṇo jaṇa apramada du medhavi dhaṇa śeṭhi va rakṣadi. (8)</p> <p>118 apramatu pramateṣu suteṣu baho-jagaru avalaśa va bhadraśu hitva yadi sumedhasu. (9)</p> <p>119 pramadu apramadeṇa yadha undadi paṇidu</p>	
---	--

praña-prasada aruśu
aśoka śo'ino jaṇa
pravada-ṭho va bhuma-ṭha
dhiru bala avekṣidi. (10)

120 apramadeṇa makavha
devaṇa samidhi gadu
apramada praśajadi
pramadu gara hidu sada. (11)

121 [hi]ṇa dharma na seva'a
pramadeṇa na savasi
micha-diṭhi na roye'a
na si'a loka-vaḍhaṇo. (12)

122 yo du puvī pramajeti
pacha su na pramajadi
so ida loku ohasedi
abha muto va suri'u. (13)

123 arahadha nikhamadha
yujatha budha-śāṣaṇe
dhuṇatha mucuṇo seṇa
naḍakara ba kuṇaru. (14)

124 apramata svadimada
suśila bhodu bhikṣavi
susamahida-sagapa
sacita aṇurakṣadha. (15)

125 yo imasma dhama-viṇa'i
apramatu vihaṣidi
praha'i jadi-satsara
dukhusada kariṣadi. (16)

126 ta yu vadami bhadraṇu
yavaditha samakada
apramada-rada bhodha
sadhami supavedidi. (17)

127 pramada parivajeti

<p>apramada-rada sada bhavetha kuśala dhama yoka-kṣemasa prata'a. (18)</p> <p>128 te kṣema-prata suhiṇo apramada-vihari'o phuṣadi ṇa (19)</p> <p>129 apramadi pramodi'a ma gami-radi-sabhamu apramato hi jayadu viśeṣa adhikachadi. (20)</p> <p>130 apramadi pramodi'a ma gami-radi-sabhamu apramaoto hi jayadu kṣaya dukhasa pramuṇi. (21)</p> <p>131da-rada bhodha khaṇo yu ma uvaca'I khaṇadida hi śoyadi nira'eṣu samapida. (22)</p> <p>132 apramada-rada bhodha sadhami supavedide drugha udhvaradha atvaṇa paga-sana va kuṇa. (23)</p> <p>133 na'i kalu pramadasa apрати asava-kṣaye pramata duhu amedi siha bu mruya-madi'a. (24)</p> <p>134 na'i pramada-samayu apрати asava-kṣayi apramato hi jayadu pranodi paramu sukhu. (25)</p> <p>135 diṭha-dharma-suhatha'i sabaraka-'ida'i ca</p>	
---	--

<p>. . . rukha-prahaṇaṇi cita rakṣe'a paṇidu. (1)</p> <p>136 phanaṇa cavala cita drurakṣa drunivaraṇa u (2)</p> <p>137a druagama eka</p> <p>137b vari'o va thale kṣit[o]</p> <p>137c aṇuvathida-citasa</p> <p>137d aṇuvaṣuda-citasa</p> <p>138a sudu .</p> <p>138b kummovamu kaya</p> <p>138c sa[ma]dhi</p>	
---	--

<p>.</p> <p>138d samadhi mucī</p> <p>.</p> <p>.</p> <p>.</p> <p>138e [ci]teṇa vajida . . . (?)</p> <p>yo du vi pra . . . (?)</p> <p>tayo (?)</p> <p>[the remainder of the chapter is lost.]</p> <p>139a</p> <p>.</p> <p>. di</p> <p>apa-matse va palare.</p> <p>139b.</p> <p>.</p> <p>.</p> <p>poraṇaṇi aṇusvaru.</p> <p>140 Dh . . . jimi jare astu</p> <p>Dru jare</p> <p>.</p> <p>. (4)</p> <p>141 yo vi varṣa-śada jivi</p> <p>ṣo vi mrucu-parayaṇo</p> <p>na kaḥi pari</p> <p>. (5)</p> <p>142 pariḥiṇam ida ruvu</p> <p>ro'a-neḍa pravhaguṇo</p> <p>bhetsidi pudi</p> <p>. (6)</p> <p>143 ko nu harṣo ki[m a]ṇano</p> <p>tava pa[j]va lide sado</p> <p>anakarasma pakṣiti</p>	
---	--

pra (7)

144 yam eva paḍhama radi
gabhi vasadi maṇavo
avi^hhidu so vayadi
so gachu na nivatadi. (8)

145 yasa radi vivasiṇa
ayu aparado si'a
apodake va matsaṇa
ki teṣa u kumulaṇa. (9)

146 ye vrudha ye ya dahara
ye ca majima-poruṣa
aṇupova[pravaya]di
phala paka va banaṇa. (10)

147 yadha phalaṇa pakana
nica padaṇado bhayo
emu jadas macasa
nica maraṇado bhayo. (11)

148 yadha nadi pravadi'a
rakṣavahadi kulaya
emu jara ya mruca ya
aya payedi praṇiṇa. (12)

149 yadha vi tadri vikadi
ya yed eva odu opadi
apaka bhodi votavi
oharaṇaseva sadi'i,(13)

150 emam eva maṇuśaṇa
[ye] y=aṇe sadi praṇayo
ya ya i vivasadi radi
mara ṇaseva sadi'i. (14)

151 sadi edi na diśadi
pradu diṭho baho-jaṇo
pradu eki na diśadi
sadi diṭha baho-jaṇo. (15)

152 tatra ko viśpaśi maco
daharo si di jividi
dahara vi miyadi
nara nari ca ekada. (16)

153 ayireṇa vada'i kayu
paḍha'I vari śa'iṣidi
tuchu avakada-viñṇa
niratha ba kaḍigāra. (17)

154 yaṇi[ma]ṇi avathaṇi
ala'uṇi va śarada
śagha-varṇa ṇi śiṣaṇi
taṇi diṣpaṇi ka radi. (18)

155 yaṇimaṇi pravhaguṇi
vikṣitaṇi ḍiśo diśa
kavodaka ṇi aṭhiṇi
taṇi diṣpaṇi ka radi. (19)

156 imiṇa pudi-ka'eṇa
adureṇa pravhaguṇa
nicaśuha-vijiṇeṇa
jara-dhameṇa sa vaśu
nime dha parama śodhi
yoka-kemu aṇutara. (20)

157 imiṇa pudi-ka'eṇa
vidvareṇa
nicaśuha-vijiṇeṇa
jara-dhameṇa savaśu
nim edha parama śodhi
yoka-kṣemu aṇutara. (21)

158 imiṇa pudi-ka'eṇa
viśravadeṇa pudiṇa
nicaśuha-vijiṇeṇa
jara-dha meṇa savaśu
nimedha parama śodhi
yoka-kṣema aṇutara. (22)

159 ayara jiyamaṇeṇa
ḍajamaṇeṇa nivrudi
nimedha parama śodhi
yoka-kṣemu aṇutara. (23)

160 jiyadi hi raya-radha sucitra
adha śarira bi jara uvedi
sada du dharma n jara uvedi
sado hi ṣa sabhi praveraya di. (24)

161 muju pura muju pachadu
majadu mujubhavaśa parako
sarvatra vimuta-moṇaso
na puṇu jadi-jara uvehiṣi. (25)

162 aroga parama labha
saduṭhi parama dhaṇa
vaśpaśa parama mitra
nivaṇa paramo suha. (1)

163 ... kitsa parama roka
saghara parama duha
eda ñatva yadha-bhudu
nivaṇa paramo suha. (2)

164 ... tra-suha-parica'i
yo paśi vivulu suha
cayi matra-suha dhiro
sabaśu vivula suha. (3)

165 ... ha'i vada jivamu
usu'eṣu aṇusu'a
usu'eṣu maṇuśeṣu
viharamu aṇusu'a. (4)

166 suha'i vada jivamu
veraṇeṣu averaṇa
veraṇeṣu maṇuśesu
viharamu averaṇa. (5)

167 suha'i . . jivamu
kijaṇeṣu akijaṇa
kijaṇeṣu maṇu.ṣu
viharamu akijaṇa. (6)

168 suha'i vada jivamu
yeṣa mu nasti kajaṇi
kijaṇeṣu maṇuṣeṣu
viharamu akijaṇa. (7)

169 na ta driḍha baṇaṇam aha dhira
ya asa taruva babaka va
sarata-cita maṇi-kuṇaleṣu
putreṣu dareṣu ya ya aveha. (8)

170 eda driḍha baṇaṇam aha dhira
ohariṇa śiśila drupamokṣu
eda bi chitvaṇa parivrayadi
aṇavehiṇo kama-suhu praha'i. (9)

171 ye raka-rata aṇuvadadi sodu
sa'i-gada [ma]kaḍa'o jala
eda bi chitvaṇa parivrayadi
aṇavehiṇo kama-suha
praha'i. (10)

172 ahivadaṇa-śilisa
nica vridhavayariṇo
catvari tasa vardhadi
ayo kirta suha bala. (11)

173 drulavhu puruṣayaṇu
na sa savatra [ja]yadi
yatra . . jayadi viru
ta kulu suhu modadi. (12)

174 suha śayadi muṇaya
na te thiṇa va[śaṇ]u'a
suha śikṣida-savasa
kici teṣa na vijadi. (13)

<p>175 suha darśaṇa ari'aṇa savaśo vi sada suho adaśaṇeṇa baḷaṇa nicam eva suhi si'a. (14)</p> <p>176 bala-saghada-cari'u drigham adhvaṇa śoyiṣu dukhu balehi savaśu amitrehi va savraśi. ...ra du suha-savaśa ñadihi va samakamo. (15)</p> <p>177 dhira hi praṇa ibhaye'a paṇido dhoreka-śīla vadamada ari'a tadiśa sapuruṣa sumedha bhaye'a nakṣatra-patha va cadrimu. (16)</p> <p>178 ra dhe'aro va camasa parikica uvahaṇa ya ya jahadi kamaṇa ta ta samajadi suha sarva ca suhu ichi'a sarva kama parica'i. (17)</p> <p>179 pa ṇeṇa [yo atva]ṇa suichara-saśaga.....[t]siṭha so duha na parimucadi. (18)</p> <p>jaya vera prasahadi dukhu śayadi parayidu uvaśadu sohu śayadi hitva jaya-paraya'a. (19)</p> <p>aṇica vada saghara upada-vaya-dharmaṇo upajīti nirujadi teṣa uvaśamo suho. (20)</p> <p>na tavada theru bhodi</p>	
--	--

ya 'asa pali . . . r.
parivako vayu tasa
moha-ji[no] di[vu]cadi. (1)

yo du puñe ca pave ca
duhayasa na lipadi
tam ahu thera bromi
yasa na sadi igida. (2)

kija vi daharu bhodi
kaḍa-keśu śuśu yu'i
vikada-chano ca kameṣu
bramayari pradisvadu (3)

so vada-doṣu medhavi
prañā-śīla-sama hidu
.u visañuto
thero di pravucadi. (4)

. . . karaṇa-matreṇa
varṇa-pu śkalārṇa'i va
sada-ruvu naru bhodi
iṣu'i matsari śaḍhu. (5)

.
.
.
sada-ruvu di vucadi. (6)

. śamaṇo
avradu ali'a bhaṇi
icha-loha-sa mavarṇo
śamaṇo ki bhaviṣadi. (7)

. va pavāṇi
ta viñu śramaṇa vidu
śamadhare va pa[va]ṇi
śramaṇo di pravucadi. (8)

baho bi ida sahida bhaṣa maṇa
na takaru bhodi naru pramatu

govo va ga'u gaṇa'u pareṣa
na bhakava śamañathasa bhodi.
(9)

apa bi ida sahida bhaṣamaṇa
dhamasa bhodi aṇudhamacari
aṇuvadi'aṇu idha va horo va
so bhakava śamañathasa bhodi.
(10)

anikaṣayu kaṣaya
yo vastra parihasidi
avedu dama-soraca
na so kasaya arahadi. (11)

yo du vada-kaṣayu
śileṣu susamahidu
uvedu dama-soraca
so du kaṣaya arahadi. (12)

yu metra bhavayadi
apramaṇa nirovadhi
taṇu saṇoyaṇo bhodi
paśadu vadhi-sakṣaya. (13)

eka bi ya praṇa aduṭṭha-citu
metrayadi kuśala teṇa bhodi
sarve ya praṇa maṇasaṇu'abadi
prahona ari'a prakarodi puṇu.
(14)

yo sata-ṣaṇa pradhavi civirya
rayeṣayu yayamaṇaṇaparyaya
aśpa-veka puruṣa-veka same-
paśa vaya-veka niragaḍa (15)

metrasa citasa subhavidasa
diṭṭhe va dharmi uvavaja va muṇo
kala ami naṇubhavadi sarvaśo
cadri pravha tara-gaṇa va sarvi.
(16)

yo na hadi na ghadhedi
na jeṇadi na yava'i
mitrisa sarva-bhudeṣu
vera tasa na keṇayi. (17)

yo du metreṇa citeṇa
sarva-bhuda aṇu'abadi
udhva tiya adho yavi
yo loku aṇu'abadi (18)

aparitam ida cita
apramaṇa subhvida
ya pramaṇa-kida karmu
na ta tatra viśiśadi. (19)

maṇo-puvagama dhama
maṇo-śeṭṭha maṇo-java
maṇasa hi praduṭheṇa
bhaṣadi karodi va
tado ṇa duhu amedi
cako va vahaṇe pathi. (1)

maṇo-puvagama dhama
maṇo-śeṭṭha maṇo-java
maṇo-śeṭṭha hi prasanena
bhaṣadi va karodi va
tado ṇa suhu amedi
chaya va aṇukamiṇi. (2)

pava ma kada di śoyadi
bhuyu śoyadi drugadi gado
so śoyadi so vihaṇadi
diṣpa kamu kiliṭṭha atvaṇo. (3)

puṇa ma kida di nanadi
bhuyu nanadi sugadi gado
so nanadi so pramodadi
diṣpa kamu viśudhu atvaṇo. (4)

idha śoyadi preca śoyadi

pava-kamu duhayatra śoyadi
so śoyadi so vihañadi
diṣpa kamu kiliṭha atvaṇo. (5)

idha nanadi preca nanadi
puña-kamo duhayatra nanadi
so nanadi so pramodadi
diṣpa kamu viśudhu atvaṇo. (6)

pava ja puruṣu kuya
na ṇa kuya puṇapuṇu
na tasa chana kuvi'a
dukhu pavasa ayayu. (7)

puña ca puruṣu kuya
kuya yo ṇa puṇapuṇu
athatha chana korvi'a
sukhu puñasa ucayu. (8)

na apu mañe'a pavasa
na me ta akamiṣadi
uda-binu-nivadeṇa
uda-kubho va puyadi
puyadi balu paveṇa
stuka-stoka bi ayaro. (9)

na apu mañe'a puñasa
na me ta akamiṣadi
uda-binu-nivadeṇa
uda-kubho va puyadi
puyadi dhiru puñeṇa
stoka-stuka bi ayaru. (10)

kaya-kamu vayi-kamu
maṇo-kama ca pavaka
aseva'iti drupaṇu
nira'eṣu vavajadi. (11)

kaya-kamu vayi-kamu
maṇo-kama ca bhadaka
aseva'iti sapraṇo

sukadiṣu vavajadi. (12)

asari sara-vadiṇo

sari asara-daśiṇo

te sara nadhikachadi

micha-saggapa-goyara. (13)

sara du saradu ñatva

asara ji asarado

te sara adhikachadi

same-sagapa-goyara. (14)

śaru yadha drugahido

hasta aṇuvikatadi

ṣamaña droparamuṭho

niraya uvakaḍhadi. (15)

śaru yadha sugahido

hasta naṇuvikatadi

ṣamaña suparamuṭho

sukadiṣu vakaḍhadi. (16)

śuhaṇupaśi viharadu

idri'eṣu asavudu

bhoyaṇasa amatraño

kusidu hiṇa-viryava

ta gu prasahadi raku

vadu rakhkṣa ba ddrubala. (17)

aśuhaṇupaśi viharadu

idri'eṣu sisavudu

bhoyaṇaṣa ya matraño

ṣadhu aradha-viryava

ta gu na prasahadi raku

vadu śela va parvada. (18)

yadha akara druchana

vuṭhi samadibhinadi

emu arakṣida cata

raku samadibhinadi. (19)

yadha akara suchana
vuṭhi na samadibhinadi
emu surakṣida cita
raku na samadibhinadi. (20)

sujuvu ahiri'eṇa
kaya-śuriṇa dhakṣiṇa
prakhaṇiṇo prakabhiṇa
sagiliṭheṇa jaduna. (21)

hirimada du drujivu
nica śuyi-gameṣiṇo
aliṇeṇa aprakabhiṇa
śudhayiveṇa jaduna. (22)

brama i bhikhu tasiṇa i pavu
araha mageṇa ya apramadu
cita ji balu adhava jara i
suheṇa theru yama'eṇa treḍaśa.

dhama-pridi suhu śayadi
viprasaneṇa cedaso
ari'a-pravedidi dharmi
sada ramadi paṇidu. (1)

yatha vi rada gammiro
viprasano aṇavilo
emu dhamu ṣuṇitvaṇa
viprasidadi paṇida. (2)

sarvatra ya sapuruṣa vivedi
na kama-kama lavayadi dhira
suheṇa phuṭha adhava duheṇa
na ucavaya paṇida daśayadi. (3)

atmaṇam eva pradhamu
pradiruvi niveśa'i
tadañi aṇuśaśe'a
na kiliśe'a paṇidu. (4)

aṣadhehi kradavehi

phiśuṇehi vivhuda-nanahi
sakha na kari'a paṇido
saḡadi kavuruṣehi paviya. (5)

ṣadhehi ya peśalehi ya
śilavada yi bahoṣudehi ya
sakha kuvi'a paṇido
sagadi sapuruṣehi bhadi'a. (6)

anuśaśadi oवादadi
asabhe hi navara'i
paṇidaṇa pri'o bhodi
balaṇa bhodi apri'o. (7)

nisedara pravatara
yo paśi vaji-daśaṇa
nigiśa-vadi medhavi
tadiśa paṇada bhayi
tadi bhayamaṇaṇa
ṣeho bhodi na pavi'u. (8)

ka'ena kuśala kitva
vaya'i kuśala baho
maṇeṇa kuśala kitva
apramaṇa nirovadhi
avavaji suhi loka
paṇidu uvavajadi. (9)

yavajiva bi ya balu
paṇida payuvasadi
neva dhamu vi'aṇadi
praṇa hisa na vijadi. (10)

muhuta bi ya viṇu
paṇada payuvasadi
so du dhamu vi'aṇadi
praṇa hisa tadovi'a. (11)

na abhaṣamaṇa jaṇadi
miṣa balehi paṇida
bhaṣamaṇa du jaṇadi

deśada amuda duduhi. (12)

deśehi joda'i dhamu
uṣivi iṣiṇa dhayu
subhaṣida-dhaya hi iṣayu
dhamo ha iṣiṇa dhayu. (13)

poraṇam ida adura
na ida ajetāṇa iva
ninadi tusi-bhaveṇa
ninadi baho-bhaṇiṇo
mana-bhaṇi vi ninadi
nasti loki anini'a. (14)

praśaja śaśvada nasti
nina nica na vijadi
tasa nina-praśajaṣu
na sammijadi paṇida. (15)

śelu yadha eka-khaṇo
vadeṇa na sabhijadi
emu nina-praśajaṣu
na sammijadi paṇida. (16)

ekada ninido prodhu
ekada ji praśajidu
na i aha na i bheṣida
na yi edarahi vijadi. (17)

yo nu ho viṇa praśajadi
aṇu'ija śuhaśuha
achidra-vuti medhavi
praṇa-śila-sasmahida. (18)

nikhu jabodaṇaseva
ko ṇa ninidu arahadi
deva mi ṇa praśajadi
bramoṇa vi praśajidu. (19)

ayo'a va na jaṇadi
micha-viṇayadu iva

avija'i va samu śa
budhaṇa va adaśaṇi. (1)

aṇuyo'a du jaṇadi
same-viṇi'adu iva
yoṇiśa viyiṇi dhama
sevamaṇa bahoṣuda. (2)

duha'eṇa i artheṇa
sevidavi bahoṣuda
suhīṇa uyidatheṇa
nica kicha-kadeṇa ca. (3)

prahodi duhiṇo dokhu
avaṇedu bahoṣuda
katha'i paḍiruva'i
bhaṣamaṇa puṇa-puṇu. (4)

suhidasa vi pramoju
jaṇayadi bahoṣuda
deśada amuda dhamu
dukha-vaśama-kami'a. (5)

śimada maha-praṇa
dharmakama –bahoṣuda
bhayidavi sapraṇeṇa
bhuyasa bhorim ichadu. (6)

bahuṣuda dhama-dhara
sapraṇa budha-śavaka
śrudi-viñati akakṣu
ta bhaye'a tadhavidha. (7)

sabhir ava samase'a
sabhi kuvi'a sadhavu
sada sadharmu aṇa'i
sarva-dukha pramucadi. (8)

yadha akara suchana
praviśi tamasarṇudu
vjamaṇa vi ruveṣu

cakhkṣuma vi na paśadi (9)

emam eva idh=ekacu
jadima vi ca yo naro
aṣutva na vi'aṇadi
dhama dhama kalaṇa-pavaka.
(10)

pradiveṇa nu ruvaṇi
yadha paśadi cakhkṣuma
emu ṣutva vi'aṇadi
dhama kalaṇa-pavaka. (11)

suṣuda ṣuda-vaḍhaṇa
ṣuda praṇaya vaḍhadi
praṇa artha viśodhedi
artha śudho suhava'u. (12)

so artha-ladhu medhavi
praṇa-śīla-samahidu
ṣuda-dhamu suyī-drakṣu
panodi paramu suhu. (13)

nica hi avi'aṇada
caradi amara viva
sadhama du vi'aṇada
āḍūṛāṣēṇā śadvāri. (14)

kim añatra aṣamaṇadha
dhamaseva adaśaṇe
eva apasa jividi
vera kuyadi keṇa'i. (15)

ye śāśaṇa arahadu
ari'aṇa dhama-jiviṇo
paḍikośadi drumedho
diṭṭhi ṇiṣa'i pavi'a
phalaṇi kaḍakaseva
atva-kaṇa'i phaladi. (16)

ekasaṇa eka-saya

eka-‘iya’i savudu
eku ramahi atvaṇa
arañi eka’o vasa. (1)

yasa ṣadha i praña ya
viya otrapi’a hiri
so ho maha-dhaṇa bhodi
moham aña baho dhaṇa. (2)

na sadi putra traṇa’i
na bho’a na vi banava
adeṇa abhiduṇasa
nasti ñadihi traṇadha. (3)

druprava’i dru’abhiramu
dru’ajavasana ghara
dukhu samaṇa-savaso
dukhaṇuvadida bhava. (4)

kiche maṇuṣe-pradilabhu
kicha macaṇa jivida
kiche sadhama-śramaṇa
kiche budhaṇa upaya. (5)

sukaraṇi asadhuni
atvaṇo ahidaṇa yi
ya du hida ji sadhu ji
ta gu parama-drukara. (6)

apaṇatha paratheṇa
na kudayiṇo have’I
atvatha paramu ñatva
svakatha-paramu si’a. (7)

ayo’i yuji atvaṇa
yo’aseva ayujadu
atha hitva pri’a-gaha
svihadi arthaṇupaśiṇo. (8)

nedi hi mahavira
sadhameṇa tadhakada

dhameṇa ne'amaṇaṇa
ka y-asu'a vi'aṇadu. (9)

ali'a bhaṣamaṇasa
avakamadi devada
muha ji pudi'a bhodi
saga-tḥana i bhatsadi. (10)

abhuda-vadi naraka uvedi
yo ya vi kitva na karodi āha
uvha'i ami preca sama bhavadi
nihiṇa-kama maṇuya paratri. (11)

catvari tḥaṇaṇi naro pramatu
avajadi para-darovasevi
amuṇa-labha ani'ama'saya
nina tridi'a niraya ca'utḥa.(12)

na pareṣa vilomaṇi
na pareṣa kidakida
atvaṇo i samikṣe'a
samaṇi viṣamaṇi ca. (13)

supaṣi vaja aṇeṣa
atvaṇo maṇa drudaśa
pareṣa eṣu vajaṇa
upuṇadi yatha busu
atvaṇo maṇa chadedi
kali va kidava śaḍha. (14)

alajidavi lajadi
lajidavi na lajadi
abhayi bhaya-darśavi
bhayi abhaya-darśaṇo
michadithi-samadaṇa
satva gachadi drugadi. (15)

kothu jahi viprayahe'a maṇa
saṇoyana savi adikame'a
ta nama-ruvasa aṣajamaṇa
akijaṇa naṇuvadadi dukhu. (1)

yo du upadida kodhu
radha bhada va dhara'i
tam aho saradi bromi
rasvi-ggaha idara jaṇa. (2)

ya gu na prasahadi kudhu
no yasa kuradi vaśa
so hu rakṣadi atvaṇa
nineva navaciṭhadi. (3)

akodhaṇasa vidi
ṭhida-dhamasa rayiṇo
suhu puruṣu ase'a
śida-chade va sva ghari. (4)

uṣavha viva go-saḡi
śilamadu akodhaṇo
baho ṇa payuvasadi
rayaṇa viva dhami'a. (5)

hasti va muya-jadaṇa
śela hemavañ iva
sakaro va śravadiṇa
adico tavada-r-iva
khaṇa-khaṇi tidikṣe'a
kodhu rakṣe'a atvaṇi. (6)

jīṇa kodha akothēṇa
asadhu sadhuṇa jīṇa
jīṇa kradava daṇēṇa
saceṇa ali'a jīṇa. (7)

saca bhaṇi na kuve'a
daya apadu yayida
edehi trihi ṭhaṇehi
gacha devaṇa sadi'i. (8)

kudhu atha na jaṇadi
kudhu dhamu na paśadi
anu tada tamu bhodi

ya kodhu sahadi naru. (9)

ma sa kodhu pramuje'a
dukhu kodhasa avaraṇa
mahoru mañati sadhu
pacha tavadi kodhaṇo. (10)

nakara a^{hi}-pakara
matsa-lohida-levaṇa
yatra rako ya doṣo ya
maṇo makṣo samokadu. (11)

makṣi'a matsari bhodi
prahata bhodi gadhavo
kodhaṇo su'aro bhodi
ma sa kuju kumaraka. (12)

suradu bhodi bhadraṇu
surado suho modadi
suradasa a'i dhamu
edha paśadha tadiṇo. (13)

soracasa phala paśa
tava kichaṣu jadiṣu
yatra edadiśo sadu
surado di na hañadi. (14)

ki nu jatva suho śayadi
ki nu jatva na śoyadi
kisa nu eka-dhamasa
vadha royeṣi godama. (15)

kodhu jatva suha śayadi
kodhu jatva na śoyadi
kodhasa viṣa-mulasa
masuragasa bramaṇa
vadha ari'a praśajadi
ta ji jatva na śoyadi. (16)

yatha vi ruyida puṣu
vaṇama da agana'a

emu subhaṣi da vaya
aphala . . . akuvadu. (1)

yatha vi ruyida puṣu
vaṇamada sagana'a
emu subhaṣida vaya
saphala bhodi kuvadu. (2)

yatha vi bhamaru puṣpa
vaṇa-gana aheḍ'i
paridi rasam ada'i
emu gami muṇi cara. (3)

yada vi puṣpa-raṣi sa
kuya mala-guṇa baho
emu jadeṇa maceṇa
katavi (4)

puṣani ye va payiṇadu
vasita-maṇasa nara
sutu gamu mahoho va
ada (5)

. prativada vayadi
na mali'a takara canaṇa va
sadaṇa gano prativada va'idi
sarva diṣa sapuruṣo pada'idi. (6)

. ya vi
.
. gana-ja[da]ṇa
śīla-gano ivutama. (7)

. baṇa-śīlaṇa
apramada-vihariṇa
samadaṇa-vimutaṇa
ga di maro na vinadi. (8)

vaṣ'a yatha puṣaṇa
poraṇaṇi pra mujadi
emu raka ji doṣa ji

vipramujadha bhikṣavi. (9)

uchina siṇeha atvaṇo
kumudu śaradaka ba pra ṇiṇa
śadi-magam eva broha'i
nivaṇa sukadeṇa deśida. (10)

pheṇovamu kayam ida viditva
mariyi bhuda'i
chetvaṇa marasa papavuṣe'aṇa
a (11)

.
[yama-loka ji]ida sadevaka
ko dhama-pada sudeśida
kuśala puṣa viva payeṣidi. (12)

budhu pradha ṣidi
yama-loka ji ida sadevaka
budhu dhama-pada sudeśida
kuśala puṣa viva payiṣidi. (13)

yadha sagara-‘uḍasa
ujidasa maha-pathe
padumu tatra ja'e'a
suyi-gaṇa maṇoramu (14)

e[mu] saghasa-dhama'u
aṇa-hodi prudhijāṇe
abhiroyadi praṇa'i
same-sabudha-ṣavaka. (15)

yo sahasa sahasaṇi
sagami maṇuṣa jiṇi
eka ji jiṇi atvaṇa
so ho sagamu utamu. (1)

sahasa bi ya vayaṇa
aṇatha-pada-sahida
eka vaya-pada ṣevha
ya ṣutva uvaśamadi. (2)

[yo ja]vaya-śada bhaṣi
aṇatha-pada-sahida
eka vaya-pa[da]ṣehu
ya ṣutva uvaśamadi. (3)

. hasa bi ya gadhaṇa
aṇatha-pada-sahida
eka gadha-pada ṣebha
ya ṣutva uvaśamadi. (5)

masa-masi sahasiṇa
yo ya'e'a śadeṇa ca
nevi budhi prasadasa
kala avedi ṣoḍaśa. (6)

masa-mase sahasēṇa
yo ya'e'a śadeṇa ca
neva . . . prasa . sa
kala avedi ṣoḍaśa. (7)

masa-masi sahasiṇa
yo ya'e'a śadeṇa ca
neva saḡi prasadasa
kal avedi ṣoḍaśa. (8)

masa-masi sahasēṇa
yo ya'e'a śadeṇa ca
neva saghasa-dhameṣu
kala avedi ṣoḍaśa. (9)

masa-masi sahasēṇa
yo ya'e'a śadeṇa ca
. teṣu
kala avedi ṣoḍaśa. (10)

masa-masi sahasēṇa
yo ya'e'a śadeṇa ca
eka-paṇaṇu'abisa
kala navedi ṣoḍaśa. (11)

ya ja vaṣa-śada jivi
kusidhu hiṇa-viyava
muhutu jivida ṣevha
virya arahado driḍha. (12)

ya ji vaṣa-śado jivi
apaśu udaka-vaya
muhutu jivida ṣevha
paśaho udaka-vaya. (13)

ya ja vaṣa-śada jivi
apaśu dhamu utamu
mohotu jivida ṣehu
paśadu dhamu utamu. (14)

ya ja vaṣa-śada jadu
agi pariyara vaṇi
kṣireṇa sapi-telēṇa
diva-ratra atadrido (15)

eka ji bhavidatvaṇa
muhuta viva puya'i
sameva puyaṇa ṣevha
ya ji vaṣa-śada hodu. (16)

ya keja yaṭha va hoda va lake
savatsara yayadi puṇa[ve]kṣa
sava bi ta na cadu-bhaku vedi
ahivadāṇa uju-kadeṣu ṣiho. (17)

śilamadu suyi-drakṣo
dhama-t^hho sadhu-jivaṇo
atvaṇo karako sadu
ta jaṇo kuradi pri'u. (1)

ṣadhu śileṇa sabāṇo
yaśa-bho'a-samapidu
yeṇa yeṇeva vayadi
teṇa teṇeva puyidu. (2)

yo natva-hedu na parasa hedu

pavaṇi kamaṇi samayare'a
na ichi a . . . [sa]midhi atvaṇo
so śilava paṇidu dhami'o si'a. (3)

saṇadu sukadi yadi
drugadi yadi asaṇadu
ma sa viśpaśa avaja
ida vidva samu cari. (4)

savudu pradimukhasa
idri'eṣu ya pajaṣu
pramuṇi aṇupruviṇa
sava-saṇoyana-kṣaya. (5)

śudhasa hi sada phagu
śudhasa posadhu sada
śudhasa suyi . . .
tasa samajadi vada. (6)

dhamu cari sucarida
. . . drucarida cari
dhamayari suha śedi
asvi loki parasa yi. (7)

aho nako va sagami
cavadhivadida śara
adivaka tadikṣami
druśilo hi baho-jaṇo. (8)

yasa acada-druśili'a
malu'a va vilada vaṇi
kuya so tadha [a]tvaṇa
yadha ṇa viṣamu ichadi. (9)

. . . [a]yo-kuḍu bhuta
tata agi-śi hovamo
. [bhu]je'a
raṭha-piṇa asaṇadu. (10)

ida ja mi keca ida ji kari'a
ida kari

. pariphanamaṇa
abhimadadi muca-jara sośo'a. (1)

idha vaṣa kariṣamu
idha hemada-gi . . .
.
. (2)

ta putra-paśu-samadha
.
sutu ga
. (3)

puve i kica paḍijagare'a
no yo kici kica-kale vade'a
ta tadiśa paḍikama kica-kari
no i kica kici-'ali vade'a. (4)

ya puvi karaṇi'aṇi
pacha ṣa katu ichadi
athadu batsadi balu
suhadu parihayadi. (5)

akida kuki da ṣehu
pacha tavadi drukida
kida nu sukida ṣeho
ya kitva naṇutapadi. (6)

ya gu kuya ta vadi'a
. 'a
akaroda bhaṣama[ṇa]
. (7)

ya kica ta a
. kiyadi
unaḍaṇa prama[taṇa]
.
asava teṣa vaḍhadi
ara te asava-kṣa[ya]. (8)

yeṣa du susamaradha

nica kaya-kada svadi

.

.

sadaṇa sabrayaṇaṇa

taṣa kṣayadi (9)

[the end of the chapter is marked,
but the figure giving the number of
stanzas is lost.]

.

.

.

atva-dada tada vara.

.

.

.

. . . [dade]ṣu gachadi.

[the remainder of the chapter is lost.]

adikradaya ratri

devada uvasagrami

vaditva muninu pada

imi praśaṇa pradiprocha.

ki-śīla ke-samacara

ke-guna kena karmaṇa

kehi darmehi sabana

ke jaṇa sparga-ḡamiyu.